

464/21-

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK

Broj: 02- 45-8831/21
Zenica, 11. 05. 2021. godine

STRUČNA SLUŽBA GRADSKOG VIJEĆA

PREDMET: Prijedlog Odluke o visini naknade za rad predsjednika i članova upravnih odbora zdravstvenih ustanova čiji je osnivač Grad Zenica, dostavlja se

Poštovani,

U prilogu ovog akta dostavljamo vam Prijedlog Odluke o visini naknade za rad predsjednika i članova upravnih odbora zdravstvenih ustanova čiji je osnivač Grad Zenica.

S poštovanjem,

DOSTAVLJENO:

1x Naslovu

1x a/a



GRADONAČELNIK


Fuad Kasumović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRIJEDLOG

**ODLUKE O VISINI NAKNADE ZA RAD PREDSEDNIKA I ČLANOVA
UPRAVNIH ODBORA ZDRAVSTVENIH USTANOVA ČIJI JE OSNIVAČ
GRAD ZENICA**

Zenica, maj 2021. godine

Na osnovu člana 64. stav (13) Zakona o zdravstvenoj zaštiti ("Službene novine Federacije BiH", broj: 46/10 i 75/13) i člana 22. stav (1) tačka 26. Statuta Grada Zenica („Službene novine Grada Zenica”, broj: 5/15), Gradsko vijeće Zenica, na prijedlog Gradonačelnika Grada Zenica, na ____ sjednici održanoj _____ 2021. godine, donijelo je

ODLUKU
O VISINI NAKNADE ZA RAD PREDSEDNIKA I ČLANOVA UPRAVNIH ODBORA
ZDRAVSTVENIH USTANOVA ČIJI JE OSNIVAČ GRAD ZENICA

Član 1.
(Predmet)

Ovom Odlukom utvrđuje se visina mjesečne naknade za rad predsjednika i članova upravnih odbora zdravstvenih ustanova čiji je osnivač Grad Zenica, i to kako slijedi:

1. Javna ustanova "Dom zdravlja" Zenica,
2. Javna ustanova Apoteka "Zdravlje" Zenica.

Član 2.
(Visina naknade)

- (1) Novčana naknada za rad iz člana 1. ove Odluke utvrđuje se:
- a) za predsjednike upravnih odbora javnih ustanova u iznosu od 300,00 KM (slovima: tristotinekonvertibilnihmaraka),
 - b) za članove upravnih odbora javnih ustanova u iznosu od 250,00 KM (slovima: dvijestotinepedestkonvertibilnihmaraka).
- (2) Mjesečna naknada iz prethodnog stava isplaćivaće se predsjednicima i članovima upravnih odbora u neto iznosu, iz sredstava javnih ustanova u kojoj obavljaju funkciju.

Član 3.

Za realizaciju ove Odluke zadužuju se direktori javnih ustanova.

Član 4.
(Prestanak važenja)

Stupanjem na snagu ove Odluke prestaje da važi Odluka o visini naknade za rad predsjednika i članova upravnih odbora zdravstvenih ustanova čiji je osnivač općina Zenica ("Službene novine općine Zenica", broj: 3/12 od 05.04.2012. godine).

Član 5.
(Stupanje na snagu)

Ova Odluka stupa na snagu danom donošenja i objavit će se u “Službenim novinama Grada Zenica”

Broj:
Zenica, _____ godine

PREDSJEDAVAJUĆI
GRADSKOG VIJEĆA
Almir Babajić

O B R A Z L O Ž E N J E

I PRAVNI OSNOV

Odredbom člana 64. stav (13) Zakona o zdravstvenoj zaštiti ("Službene novine Federacije BiH", broj: 46/10 i 75/13) propisano je da mjesečnu naknadu za rad predsjednika i članova upravnog odbora zdravstvenih ustanova utvrđuje opštinsko vijeće, na prijedlog opštinskog načelnika.

Odredbom 22. stav (1) tačka 26. Statuta Grada Zenica („Službene novine Grada Zenica“, broj: 5/15) propisano je da Gradsko vijeće u okviru svojih nadležnosti, između ostalog, donosi pojedinačne i druge akte iz samoupravnog djelokruga Grada u skladu sa zakonom i Statutom.

II RAZLOZI DONOŠENJA

U skladu sa Odlukom o visini naknade za rad predsjednika i članova upravnih odbora zdravstvenih ustanova čiji je osnivač općina Zenica ("Službene novine općine Zenica", broj: 3/12 od 05.04.2012. godine), mjesečna naknada predsjednika upravnog odbora općinske zdravstvene ustanove utvrđuje se u visini 30% prosječne neto plate isplaćene u Federaciji Bosne i Hercegovine u prethodna tri mjeseca, prema posljednjem objavljenom podatku Federalnog zavoda za statistiku, a mjesečna naknada članova upravnog odbora općinske zdravstvene ustanove utvrđuje se u visini 20% prosječne neto plate isplaćene u federaciji Bosne i Hercegovine u prethodna tri mjeseca, prema posljednjem objavljenom podatku Federalnog zavoda za statistiku.

Razlog zbog kojeg se predlaže izmjena postojeće Odluke prvenstveno je vezan za činjenicu određivanja fiksnog iznosa mjesečne naknade za rad predsjednika i članova upravnih odbora zdravstvenih ustanova čiji je osnivač Grad Zenica.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o odluci, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlaže isto, u skladu s odredbom člana 69. stav (1) Poslovnika Gradskog vijeća („Službene novine Grada Zenica“, broj: 4/17), dostavlja Vijeću na razmatranje u formi prijedloga.

GRADONAČELNIK
Fuad Kasumović